



四代恩榮事畧目錄

誥贈光祿大夫太子太保戶部尚書志儼畢公  
諱恪事畧

誥贈光祿大夫太子太保戶部尚書廷佐畢公  
諱忠臣事畧

誥贈光祿大夫太子太保戶部尚書舜石畢公  
諱木事畧

光祿大夫太子太保戶部尚書曾孫男自嚴

居官政略

右司徒元荷蒙

聖恩准給四代

誥命因為纂輯事略以便求文就中摭拾頗詳  
不肖輒付剞劂以傳子姓

崇禎六年二月二十日南京戶部廣東清吏

主事曾孫畢自寅

南京國子監學生玄孫際彥較刻

先曾大父母事畧

先曾大父諱恪字志儼先曾大母王氏為進  
士御史王宣化雲石公祖姑

此册另有  
一册  
錄別於

國初吾宗有名敬賢者自益都之石塘塢徙居  
於淄之西土世業農桑四傳及公有子五人  
以孝弟力田垂訓德行著聞眾推為忠信鄉  
保正凡婚社讌會非公首席則席不重曠之  
南北各有壑秋潦不可渡捐貲各建一橋以

濟行旅至今便之村左有炳靈公廟歲久圯  
倡議更新之捐田六畝置守僧里人所賽有  
驗其他好義樂施孜孜不倦孫枝繁衍

綸綽炳煥四代恩榮公實爲發祥之始祖云

先曾大父贈光祿大夫太子太保戶部尚書

先曾大母王氏贈一品夫人

先曾祖父母事略

寒宗在宋元間自冀州來強徙益都之石塘塢明  
興有始祖諱敬賢者復自石塘塢徙淄西之崔家  
庄即今西舖庄也蓋當六合初定隨意開墾之時  
所謂適彼樂郊者耳四傳爲曾祖志儼翁諱恪益  
守故業而昌大之勤儉治家端莊訓子通古今之  
興廢不求聞達課農桑於襍穡不崇華奢言出則  
人信爲行出則人悅爲產不踰中人而惠流施濟  
身不出里閭而譽播鄉邦維時邑令推擇爲忠信

鄉保正凡里社中婚喪大典非曾祖親蒞不光伏  
臘讌集非曾祖首座不重蓋隱然有不爵而貴不  
祿而富者焉則樹立之卓犖可知也配王氏係王  
公女為淄西李家疇名族即侍御雲石公之  
祖姑也內則閑其肅雍操家井其荼苦而脫簪周  
急尤膾炙人口有子五人長遷次正三直四忠臣  
即贈太子太保戶部尚書先祖廷佐翁也五忠敬  
再傳而德澤深厚奕葉繁衍以開余兄弟顯榮之  
路則我曾祖實始基之矣 先曾大父云云

### 先大父母事畧

先大父諱忠臣字廷佐先大母王氏為邑處  
士王東和女及笄歸先大父相敬如賓寒宗  
自

國初世居淄之西鄙積德累行不墮家聲鄉黨  
稱焉然皆襲中人產務農力穡僅足自給未  
能延明師課子姓圖青雲之業也自先大父  
母益用勤儉治生闢汚萊為新畝有子七人

女三人婚嫁事竣食指日煩先大父母一以整刷從事有不率教則先教而後責之家庭之內雍雍如也析箸之日令七子各棲一村以便力田家日隆隆起矣先伯五人俱遣爲掾俾習禮法刑名事先父舜石翁行在六獨令從邑大儒儀部張松石先生遊先父雖厄於一第而經術淵源卒用教子有成以拓家聲則先大父母延師創業之力也大父壽年七十九歲大母壽年六十五歲大父晚以善人長者爲邑里所推服邑侯優異籍名旌善亭以示風勵遠邇翕然嚮之今諸孫三十餘人曾孫輩不下百人多能讀書績學已顯榮者爲嚴及中丞弟自肅與主政弟自寅其他列青衿者幾三十人可謂克昌厥後者矣先大父初贈中大夫陝西布政司右叅政兼按察司僉事再贈大中大夫資治尹太僕寺

卿三贈通議大夫戶部右侍郎兼都察院右  
僉都御史四贈資政大夫都察院右都御史  
兼戶部左侍郎五贈資政大夫南京戶部尚  
書六贈資政大夫戶部尚書七贈資德大夫  
太子少保戶部尚書八贈光祿大夫太子太  
保戶部尚書先祖母初贈淑人再贈淑人三  
贈淑人四贈夫人五贈夫人六贈夫人七贈  
夫人八贈一品夫人

先父母事畧

先封翁諱木字子近號舜石少讀書多妙解  
不事章句與選部王秋澄公同研穎喜爲論  
難辯駁嘗從儀部松石張先生遊松石海內  
大儒少許可乃亟稱二俊無少軒輊人謂一  
第可芥拾也無何補郡庠增廣生試輒高等  
屢困棘圍遂翻然棄去以力農教子爲務事  
父母至孝喪塋以禮復爲立祠肖遺像焉寒

宗之有家廟自茲初也中年遭兄弟家難右  
撐左挈不遺餘力真令死者瞑目地下有子  
八人教以義方置責善簿時加訓飭惟恐其  
納於邪少有不馴則誚讓批撻隨之以故諸  
子廩廩束躬下帷嚴與肅弟相繼登第寅爲  
孝廉慎爲歲薦裕爲廩生耘若強俱以青衿  
援例儒官秋毫皆先君力也及嚴筮仕首以  
無染脂膏無行訪察爲教居鄉斤斤禮法約  
束族人無卽悖淫而一切利藪若田宅煤炭  
子母居間之事客至爭言便益悉謝絕之少  
有則以貸及親友之貧者嘗請鄉飲大賓里  
人侈爲盛事後再請不往日里中賢豪多矣  
余何敢久壓人上也筆札工妙真行草書皆  
有風骨發爲詩歌文詞操觚立就識者以爲  
有淵明之風焉所著有黃髮正續二集壽梓  
傳於世先母劉氏爲先君元配生二子長兄

自耕暨嚴皆母出也餘悉庶出母皆撫摩而  
鞠育之不啻屬毛而離裏也鄉里稱其不妬  
比於螽斯麟趾云於嚴雖極鍾愛不廢教督  
在諸生則勉以進取爲刑官則勗以仁恕晚  
更好佛不飲酒不茹葷歿之日遺命祭奠無  
設牲醴人謂母生於淄西之佛生莊豈其有  
宿緣歟

先父封文林郎直隸松江府推官贈承德郎  
刑部河南清吏司主事再贈承德郎工部虞  
衡清吏司主事三贈中大夫陝西布政司右  
叅政兼按察司僉事四贈大中大夫資治尹  
太僕寺卿五贈中議大夫都察院右僉都御  
史六贈通議大夫戶部右侍郎兼都察院右  
僉都御史七贈資政大夫都察院右都御史  
兼戶部左侍郎八贈資政大夫南京戶部尚  
書九贈資政大夫戶部尚書十贈資德大夫

太子少保戶部尚書十一贈光祿大夫太子  
太保戶部尚書先母初封孺人再封安人三  
封安人四贈淑人五贈淑人六贈恭人七贈  
淑人八贈夫人九贈夫人十贈夫人十一贈  
一品夫人四母王氏以子巡撫關寧都察院  
右僉都御史畢自肅貴初贈孺人再贈安人  
三贈恭人四贈恭人

歷任居官專畧

太子太保戶部尚書畢自嚴山東淄川人繇  
壬辰進士本年授直隸松江府推官戊戌陞  
刑部河南司主事辛丑丁父憂癸卯復除刑  
部添註河南司主事改調工部虞衡司主事  
管軍器局丙午陞都水司郎中管理淮揚河  
道丁未陞河南右叅議兼僉事准徐兵備道  
本年丁母憂庚戌起補山西右叅議分守冀

寧道壬子陞副使分守河東道甲寅加陞右  
叅政仍管本道事本年告病回籍丙辰起補  
陝西右叅政兼僉事洮岷兵備道己未陞按  
察使靖邊兵備道以邊俸三年考滿加陞右  
布政仍管本道事庚申陞太僕寺卿管京營  
少卿事辛酉陞天津巡撫都察院右僉都御  
史壬戌陞戶部右侍郎兼右僉都御史督理  
遼東糧餉癸亥以東省景武兩地平妖有功  
加陞右都御史仍管督餉又議裁併衙門兼  
管津撫事務乙丑改南京都察院右都御史  
丙寅改南京戶部尚書本年告病戊辰起戶  
部尚書本年十一月內考滿吏部題

請復職

欽賜羊酒鈔錠己巳正月吏部題

請照總督一年例加太子少保職銜二月題

請晉階資德大夫辛未四月題

倣魏餉有功加陞太子太保賞銀二十兩紵  
絲二表裏辛未七月准給新銜

誥命方余壬辰登第年甫二十四歲筮仕雲間  
欽賜羊酒鈔錠已巳正月內以前考滿加太子

少保題給

誥命晉階資德大夫正治上卿庚午七月因虜

官六年薦炎臚列祀以交游寡援莫爲推轂

僅遷刑部主事然行之日傾城祖送輿論同

歸刻有攀輿圖行于世已又建祠尸祝豐碑

林立及抵刑部能甘清貧有以自守浮沉冷

曹不競榮進嗣轉工曹典在軍器絕無苦窳

管修都城城工刻期報完節省無算曾經

題敘未報量移河郎加意畚插旋陞淮徐叅議

未及三月卽丁內艱庚戌大計太宰孫立亭

先生柄政一秉至公特舉卓異則以雲間六

年樹立尚津津人齒頰間也時以讀禮得之

倣魏餉有功加陞太子太保賞銀二十兩紵  
絲二表裏辛未七月准給新銜

誥命方余壬辰登第年甫二十四歲筮仕雲間  
刑官又煩劇之衝惴惴焉恐不勝任遵奉  
先父母庭訓兢兢以清慎勤自矢辭受一毫  
不苟聽訟請托不徇一時人有青天之頌服  
官六年薦剡臚列祇以交游寡援莫爲推轂  
僅遷刑部主事然行之日傾城祖送輿論同  
歸刻有攀輿圖行于世已又建祠尸祝豐碑  
林立及抵刑部能甘清貧有以自守浮沉冷  
曹不競榮進嗣轉工曹典在軍器絕無苦窳  
管修都城城工刻期報完節省無算曾經  
題敘未報量移河郎加意畚插旋陞淮徐叅議  
未及三月卽丁內艱庚戌大計太宰孫立亭  
先生柄政一秉至公特舉卓異則以雲間六  
年樹立尚津津人齒頰間也時以讀禮得之

人稱爲異數云母喪服闋堅意高臥不肯赴  
補銓衡卽家起補山西冀寧道每思盛名之  
下其實難副益自砥礪纖毫必謹辛亥賫捧  
入京卽上疏爲災黎請命回任代按臺蘇公  
料理大閭事務諸所興革利弊品題臧否胥  
中肯竅提調文武二關巨細必周轉分守河  
東道兼攝巡道時值按臺蘇公審錄以寬卹  
平反爲主卽爲虛心叅詳務令人無枉死亦  
無倖生所刻有求生錄八都皆余爰書也駐  
劄蒲坂地多鄉紳毫無訾韋稱強項焉繼而  
拂衣請告便有終焉丘壑之志不意丙辰大  
計竣事又起洮岷此道介在極邊旣撫羌又  
禦虜銳意整頓犁然就理丁巳海虜大舉入  
犯洮州余已先期出巡茲地督兵禦之在在  
設伏旌旗甚肅虜知有備遂逡巡不敢逞拔  
營以去我兵擊其惰歸斬獲虜首四級馬匹

器械甚夥非盡徼天幸也自是海虜不敢窺足南牧矣陞任之日所遺贖鍰千金悉充常平糴本再轉靖邊一墻之外卽爲虜穴寓戰於款漢過不先且查出節年暗增撫賞至數千金申詳懲艾置委官路將周弘祚等於理又捐俸及贖鍰千金爲撫賞助修安邊定邊二城用磚碣砌葺年各完一面役竣費省兩臺無不擊節在余不過隨分盡職云耳然矣

丑巳未兩次大計俱仍舉卓異洮岷靖邊兩地窮塞皆爲立生祠說者謂至誠可以動物直其然乎先是

神廟之季苦於積薪久滯外藩

光廟卽位之初推選物望首晉太僕卿管少卿事蓋前此無以正卿管少卿事者實自此始真破格事也庚申秋月便道歸家偶值同氣之變友于情深幾至不起延至辛酉暮勉起

赴京卽值遼瀋淪沒當事議設通津二撫爲  
都門犄角余實膺

簡命赴津津門創設開府自余始在外旣重督  
撫而輕創設在內亦重關遼而輕津海每每  
疾呼不應無米爲炊兼以一時召募四出如  
陶登撫游道長輩泥沙金錢用度無節余獨  
程薪數米備極裁節陸兵安家僅二兩水兵  
安家僅四兩又或各減損有差立局鳩工製  
造器械俱親估計絕無冒破凡得標兵營正  
兵營鎮海前後奇三營共計水陸兵萬人市  
馬一千匹新造沙船七十隻唬船二十隻新  
蓋營房三百間新造戰車十餘輛新製腰刀  
三眼鎗攢竹鎗各以數千計威遠大砲以數  
十計火藥鉛子以數萬計鑊斧悶棍各以數  
百計勁弓利矢各以數千萬計鉄盔鉄甲二  
百副藤盔綿甲五百副蓋儼然一重鎮矣至

各兵以征調至津者有浙直水兵二千名淮揚水兵四千六百名江南水兵一千餘名山東營兵二千名河南前後營兵三千名毛兵營兵一千餘名無不安插得所訓練有法以備關遼徵調之用無何廣寧陷而榆關危士卒望塵奔潰獨余所遣河南前營官兵叅將翟子勲等三千員名鼓行而東無卻步者繼又置監軍增郡貳摩厲以須忽妖寇起山東總河東撫俱上疏乞津兵爲助

旨再下余桑梓念殷遂悉精銳五千人遣道將統領以赴師出景武適妖寇于弘志等將嘯聚以應東妖輒移師殲之而鄒滕之役不三月奏凱焉論者謂津兵之力居多而余不敢居也功成之日余已先期轉督餉且得代矣具疏

題請俱東撫津撫及保撫爲政而余不與焉東

撫不欲客兵居主兵之上自是人情然津門道將皆敘陞三級與主兵等則其實亦有不客掩者獨余則以景武功亦當敘遂姑置無論至敘景武功直指勘疏俱首列余衆論僉同余耻於競功無一字抵都門會當路有爲保撫與援者而金吾世蔭遂歸保撫矣余亞卿俸已近二年僅晉右都名爲二級實半級也余亦竟無一語但遜謝而已至於督餉事務尤殫厥心先是津門有陸運以輓費不貲余乃罷陸運悉從海運省費無筭舊例召買米豆俱露河干水次交兌遇雨每多損壞甚或影射虛捏攬糠和水余任事後洞悉其弊分建廩於城內外務令糧有安頓數有綜覈而又停召買以塞侵牟追積逋以完公課擇職官以重典守罷事例以清濫觴所省帑金又無慮鉅萬方受事初值毛將軍文龍立功

海外以待哺告余飛章入

奏毅然以接濟爲已任而牽制之議遂定又念風汛有期天吳叵測雖不能刻期稅駕決不可違候揚舲亟於趨事惟恐後時以故任內失風絕少以關運言之天啓二年運官丁啓陽等運過糧料四十九萬五千五百七十餘石三年運過糧料一百七萬二千二百二十餘石四年運過糧料一百二十八萬八千四百八十餘石五年運過糧料一百二萬五千五百餘石此歷年發過關運之數也以鮮運言之天啓二年運官趙守祖等運過糧料一十一萬七百九十餘石三年運官王成龍等運過糧料一十二萬三千一十餘石四年運官王文憲等運過糧料二十萬石五年運官俞明等運過糧料十萬二千二百七十石此歷年發過鮮運之數也每見財用匱乏加意

節縮一切召買運價督率道府有司運官悉心商議多有減損共計任內搜括節省事故銀二千兩以助

大工又搜括營本銀三千兩以助軍餉俱蒙聖旨嘉與又搜括淮揚東莞召買及零星還官入官等項共得銀四萬七千餘兩內以二萬九千六百兩轉解關門抵充米折之數又量留一萬兩以供新餉部運務之用仍剩銀七

千八百八十餘兩加以永平召買節省銀爛豆變價銀及本衙門贓罰又共得銀六千一百七十餘兩以抵關門原借閣部草價之數而毫釐皆軍

國之需矣先後在津五年初治兵嗣治餉繼合兵與餉而兩肩之刻有撫津疏草督餉疏草餉撫疏草徵發絡繹饋餉不絕幾於嘔盡心血始獲量移南臺以乙丑冬月履任振飭臺

綱期與各直指以名節相砥礪刻有留憲疏  
草丙寅正月轉留計尚書留計豐鎬重地錢  
穀要區南都三軍胥寄命焉向來人多傳舍  
其官廢弛至極本折俱匱余以赤心白意勵  
精率屬于是請還借解黔餉之楚賦請留抵  
解南糧之漕折請銷累歲那用之事例請禁  
留倉相沿之宿弊請定本部差遣之例規請  
追省直累歲之積逋請核營衛冒濫之冗食  
請停南糧折解之遼餉悉蒙

聖明俞可下部議覆而又搜括積羨題助

大工銀四千五百四十餘兩查解吏書各役頂  
首銀四千二百六十餘兩持廉秉公留計漸  
充刻有留計疏草先是余餉撫津門因天啓  
三年十二月內地震一次天啓四年正月二  
月各地震一次具有兩疏陳言祈求罷斥以  
應咎徵而又苦心規諫初疏條議四款一曰

內批當慎也二曰恩澤宜節也三曰人才宜  
惜也四曰內操宜罷也語多危激次疏條議  
二款首以修德之說進戒佚遊也節賞賚也  
舉召對也以至深宮燕處葆精蓄神以培養  
無疆之祉凡皆修德之屬也再以修政之說  
進邊防無使弛也出愚無使擾也反側無使  
驚也以至名碩忠諫霽威賜環以慰荅寰宇  
之望凡皆修政之屬也詞尤剴切不計利害  
一時皆爲寒心咋指卒得

旨下禮部有天幸焉抵是乃更凜凜懼禍之及  
遂請老歸矣時余年五十有八卽它人百計  
挽留弗聽也家居二載片牘寸楮不入長安  
適值

聖明御極銳意治平特頒

聖諭召爲司農實出草莽意想之外余兩疏懇  
辭奉

旨敦促益堅遂不携家口單車就道甫入

京師卽聞遼左八弟之變悲哀久之隨具疏籲  
天請罪請卹然後履任惟思汰冗節浮集思廣  
益持當年慎清勤三字守而勿失於新餉則  
有遼餉不敷濟急無奇一疏詳陳新餉出入  
不敵之畧而要歸於務覈地方雜項實數如  
衛所屯田省直倉穀抽扣工食優免丁糧房  
產稅契俸薪馬夫典舖稅銀鈔關稅銀撫按

贓罰免覲路費雜支公費遼左舊餉凡十二  
項而末又繼以裁汰畿輔新兵量復畿南新  
餉而遼餉無餘蘊矣於舊餉則有舊餉告匱  
邊鎮呼庚一疏詳陳舊餉出入不敵之畧而  
要歸於追徵民屯清汰營伍如覈民運之逋  
欠議屯糧之徵收嚴京邊之考成汰踰額之  
營制凡四款而末又繼以裁汰薊密永昌新  
增鹽菜二十二萬六千有奇而舊餉無餘蘊

矣至於一切日行文移題覆章疏日不停閱  
手不停批前此臺省諸臣爭議屯田鹽法章  
滿公車俱下本部議覆署印亞卿據疏題覆  
紛然淆亂漫無定畫靡當

聖意勅下不允姑俟新任正卿至日再議余乃  
邇流窮源條分縷析備核利弊興廢之端詳  
陳剔釐修復之要而以諸臣章疏兩相符合  
者附麗其中議論明確鑿鑿可行

聖明大爲擊節申飭遵守人謂經濟實學非徒  
托空言者余何敢當然亦聊以殫吾心焉而  
已其它查覈催督不遺餘力每有條奏輒荷  
俞旨每歲終課新舊二餉所入俱浮往歲一百  
餘萬而邊鎮遼左俱各充然宿飽矣祇因積  
勞過度脾胃受傷飲啖日減形骸骨立見今  
屢疏請告未荷

矜允恐蒲柳之軀終難仰報

已屢經

召對多所敷陳悉蒙

嘉納連歲遣社稷壇祈禱又分獻孔廟己巳冬  
月奴賊入犯遠遁震動京軍援兵戰守鱗集  
供億紛沓余晝夜直宿署中目不交睫手不  
停批者數閱月選擇司屬隨才委任自本折

餉省直灌輸畢至庚癸銷彌前此閩寧兵餉  
各壓支四五月今皆按期給發矣前此九邊  
年例發不及半今皆圓滿如額矣而且多所蠲  
賑不借資於

內帑漕運挽遲而為速省直絡繹以輸將皆殫心  
供職之明驗也辛未春月陪推冢宰正推總  
憲

聖明謂其料理正熟不便別轉仍守度支啟歷中  
外凡四十年從無幾微纖介之瑕掛人齒頰年  
來仕途東林與攻東林者互為貞勝余惟砥躬自好  
隨分盡職期不詭於道而止絕不依傍他人以取榮貴此

行月以至牛酒餅餌棊炒芻豆之類隔越重  
城無不隨取隨足悉歸至當不爽纖毫不遲  
時刻虜騎漸遠隨又分餉九邊供億關寧士  
皆飽騰卒成恢復四城之功

### 聖明褒嘉晉秩

太子太保賚予銀幣真異數也分遣京卿催  
餉省直灌輸畢至庚癸銷彌前此關寧兵餉  
各壓支四五月今皆按期給發矣前此九邊  
年例發不及半今皆圓滿如額矣而且多所蠲  
賑不借資於

內帑漕運挽遲而為速省直絡繹以輸將皆殫心  
供職之明驗也辛未春月陪推冢宰正推總  
憲

聖明謂其料理正熟不便別轉仍守度支啟歷中  
外凡四十年從無幾微纖介之瑕掛人齒頰年  
來仕途東林與攻東林者互為貞勝余惟砥躬自好  
隨分盡職期不詭於道而止絕不依傍他人以取榮貴此

生平所尚也妻胡氏爲知州胡應命子監生  
胡家尹女治家勤儉自奉菲薄方在膠序實  
佐燈窗雖居貴倨不忘紡績有子三人際壯  
際有皆庶出也俱蔭官生際孚亦庶出而荆  
人小星之德亦有足多者矣初封孺人再封  
安人三封安人四封淑人五封淑人六封恭  
人七封淑人八封夫人九封夫人十封夫人  
十一封一品夫人

